

漢名臣傳

廿八上

內閣文庫		
函	冊	號
三八	一六〇	二三〇五
架	冊	號
		漢書類

內閣文庫		
函	冊	號
二九	二	三
架	冊	號
		漢書類

內閣文庫		
番號	漢	2305
冊數	160 (151)	
函號	290	43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



藏書

漢名臣傳卷二十八

岳鍾琪

岳鍾璜

豆斌

錢維城

紹龍

汪由敦

岳鍾琪列傳

子濬附

岳鍾琪四川成都人父昇龍官四川提督諡

敏肅有傳康熙五十年鍾琪由捐納同知改

武職奉

旨以四川遊擊用補松潘鎮中軍遊擊五十

七年遷直隸固關叅將未任擢四川永寧協

名臣傳卷二十八

副將五十八年準噶爾擾西藏都統法喇督  
兵出打箭爐招撫裏塘巴塘番眾以通藏路  
鍾琪奉檄前驅至裏塘達瓦喇木扎木巴第  
巴塞卜騰阿任不受撫誅之巴塘喀木布第  
巴悞獻戶籍乍了察木多察哇番人均乞降  
五十九年隨定西將軍噶爾弼由拉里進藏  
準噶爾敗遁六十年二月師還議敘功加十  
等投左都督五月擢四川提督閏六月  
賜戴孔雀翎十月

命勦郭羅克逆番鍾琪以郭羅克隘口三宜  
步不宜騎若調內地兵多賊聞得爲備不若  
以番攻番與總督年羹堯議檄附近郭羅克  
之雜谷等土兵率往勦至則擊敗伏賊千餘  
連破下郭羅克二十一寨中郭羅克十九寨  
於首惡酸塔榜素布六戈乘勝攻上郭羅克  
押六等寨首惡假磕亦就於餘眾悉降  
上嘉其功下部議敘予騎都尉世職六十一  
年平羊峒番于其地設南坪營雍正元年青

海羅卜藏丹津叛鍾琪率松潘及土司兵防  
勦撫遠大將軍年羹堯奏授鍾琪叅贊大臣  
由德貴堡分勦上寺東策卜下寺東策卜賊  
番之助逆者會南川口外郭密九部乘間肆  
掠而呈庫和爾嘉尤橫移師禱其巢盡平之  
二年正月授奮威將軍進征青海時西寧東  
北郭隆守喇嘛通賊勦之燬其寺二月大軍  
出邊羅卜藏丹津黨阿喇卜坦温布等鼠伊  
克喀爾吉追於之遂由布爾合屯逼額穆納

布隆吉爾賊巢三月抵柴達木羅卜藏丹津  
以二百餘人遁追至烏蘭白克擒其母並首  
惡吹喇克諾木齊札什敦多卜等以歸青海  
平

諭曰岳鍾琪奮勇殺賊於十五日內卽能將  
逆賊勦滅平定殊爲可嘉着授爲三等公尋  
賜黃帶先是莊浪謝勒蘇番據卓子山碁子  
山作亂西寧納朱公寺朝天堂加尔多寺諸  
番應之四月鍾琪率諸將由西寧分十一路

進勦凡五十餘日賊番悉平得  
旨嘉獎六月兼甘肅提督三年二月兼甘肅  
巡撫四月署川陝總督疏言河州松潘向爲  
青海蒙古互市所年羹堯奏移那喇薩喇地  
方查青海王察罕丹津等部落居黃河東踞  
河州松潘近請仍于二處互市郡王額爾德  
尼額尔克托克托鼐等部落居黃河西踞西  
寧近請移互市于西寧口外丹噶爾寺再蒙  
古生業全資牲畜請六月後聽不時交易

上允之初四川雜谷金川沃日等土司爭界  
年羹堯以舊屬金川之美同諸寨劃歸沃日  
致警殺不已至是鍾琪奉

命秉公詳勘美同諸寨仍歸金川而以龍堡  
三歌地歸沃日各土司悅服

詔獎其寧番息事辦理有方七月寔授川陝  
總督八月疏言各省土司承襲例由地方文  
武官申督撫具題往往勒索陋規封其印信  
至數年不能管事致番目專恣釀成警殺請

嚴立定限應襲時取具宗圖冊結隣封甘結  
并原號紙限半年內具題承襲未經具題之  
先卽令應襲者署理地方官不得勒封印信  
至土司嫡長子孫承襲外支族中有循謹能  
辦者許本土官詳督撫請  
旨酌給職銜下本土官各二等分管地方視  
本土官多則三之一少五之一庶勢相維而  
情亦相安下部議行九月奏請  
陞見

允之尋加兵部尙書銜十一月疏言打箭爐  
外裏塘巴乍了察木多雲南之中甸及察木  
多以外魯隆宗察睦坐爾剛桑噶吹宗察卓  
諸部落舊非西藏達賴喇嘛所轄但距打箭  
爐遠甚遙制不便請

宣諭達賴喇嘛給令管理其中甸裏塘巴塘  
及得爾格特瓦舒霍耳等處並歸內地土司  
轄又言巴塘舊隸四川中甸舊隸雲南而巴  
塘所屬之木咱爾祁宗拉普維西等處偏近

中甸總會于阿墩子寔中甸門戶請改隸雲南與四川之裏塘打箭爐爲犄角王大臣議均如所請十二月疏請移四川松茂道駐茂州四年三月請選西安入旂兵千駐潼關撫民同知改理事同知又請延安所屬州縣丁銀概從下則以二錢爲率歲減舊額銀萬二千八百有奇九月請移四川重慶府同知駐黔江裁酉陽司經歷其雅州天泉二經歷瀘州九姓司吏目改州司以資彈壓十二月又

請將陝甘兩省丁銀攤入地畝征收以雍正五年爲始着爲定例其由衛改縣未經載丁及原有丁銀者按其額賦均載丁銀至陸續開墾及新開渠閘屯墾之處亦照此糧額一例增載再川省多係以糧載丁間有以人載丁之處應改畫一俱下部議行時四川烏蒙土知府祿萬鐘擾新隸雲南之東川府其党鎮雄土知府隴慶侯助逆而隸建昌之冕山涼山諸苗爲之羽翼鍾琪遵

旨與雲南總督鄂爾泰會勦五年正月擒萬  
鐘慶侯降烏蒙鎮雄改土歸流冕山凉山亦  
以次底定

諭獎鍾琪調度有方下部議叙入月議覆四  
川永寧副將張瑛條奏可行者四事一修築  
松潘鎮城堡一遷雲南東川府之會理州貴  
州威寧府之永寧縣土自于內地令其民遵  
漢俗一改永寧縣歸四川轄一設東川義學  
又奏稱于西寧北川口外之大道川白塔川

及策爾圖設鎮營駐守量增官兵三千六百  
部議均從之時成都有謠言鍾琪以川陝兵  
馬謀反者鍾琪疏  
聞

諭曰數年以來在朕前讒譖岳鍾琪者甚多  
不但謗書一篋而已甚至有謂岳鍾琪係岳  
飛後裔意欲修宋金之報復者其荒唐悖謬  
至于此極岳鍾琪懋著功勳朕故任以西陲  
要地付以川陝重兵而檢險奸邪之徒造作



海錄目傳卷二十一  
七  
蜚言煽惑人心讒毀大臣其罪可勝誅乎此  
成勅造言之人斷非出于無因着交與黃烟  
黃廷桂會同嚴審此事關係誣謗國家大臣  
重案非民間誣告比也至於川陝兵民向來  
淳良忠厚且受

聖祖仁皇帝六十餘年深仁厚澤淪肌浹髓  
朕卽位以來又屢加恩澤伊等至誠感激西  
省數年用兵軍民人人踴躍急公其尊君親  
上之習寔眾所共知共聞者今奸民乃云欲

從岳鍾琪謀反是不但誣岳鍾琪一人而並  
誣川陝兵民以叛逆之罪矣黃炳等務將寔  
情審明具奏十月審係湖廣奸民盧宗寄居  
四川因贖田私事希准狀播造浮言並無主  
使之人論斬如律六年二月疏陳建昌苗疆  
善後事宜一建昌土司惟河東河西宜慰二  
司寧番安撫司地最廣而河東半近涼山半  
近內地涼山仍歸長官司其近內地者改隸  
流官至河西寧番近內地悉改歸流其阿都

宣撫司阿史安撫司及紐結歪溪等土千百  
戶共五十六處俱改流近衛者改歸衛轄並  
擇苗番老成殷寔者爲鄉約保長令約束一  
裁建昌通判改置府設知府經歷建昌衛及  
左中前三所禮州守禦所改置一縣寧番塩  
井二衛改置二縣各設知縣典史會川衛併  
入會理州移會川營千總分防州屬之會理  
苦竹者保三寨均隸新設府轄一建昌爲邊  
疆重地請于越鶴所屬之栢香坪增守備千

把總各一冕山貼近乾縣增遊擊守備各一  
千總二把總四移冕山營守備駐寧番衛城  
寧越營守備改都司增千總一塩井衛城遊  
擊一千總二把總一其原設守備移駐河西  
會川所屬之披砂建昌增遊擊守備各一千  
總二把總四再撥建昌鎮標中軍守備移駐  
建昌東之木托建昌鎮右營遊擊移駐建昌  
西北之熱水協同該地方原設弁兵防守一  
苗民頑蠢地方文武官如勒索科派計駐治

漢律田律卷之二十一  
九  
罪上司失察議處一各衛所漢苗雜處田土  
交錯多欺隱相訐地方官于農隙履畝親勘  
俾各守業一漢民每以苗獠爲奴婢地方官  
查明發還酌價追贖違者治罪一漢番交界  
每月三交易官選兵役稽查不許漢民短價  
滋事及兵役藉端勒措其私入夷穴別有勾  
結者罪之一苗民向化卽與齊民無異該管  
流官一體編入保甲稽查一嚴禁漢民誘取  
苗民什物及凶畜將漢民綁擄一苗民散處

該管官編戶冊清住址有事犯者卽于該地  
方追究一嚴禁苗獠帶刀出入及私藏鳥鎗  
違禁之物一苗民處密箐易逃遇地方失事  
汛官帶兵巡捕地方官差役嚴拏併移會隣  
汛協追務獲徇庇疎縱及牽累良苗者分別  
議處疏下部議如所請定建昌新設府曰寧  
遠縣曰西昌寧番新設縣曰冕寧塩井新設  
縣曰塩源九月奏言川西因岷州兩土司朋  
比爲奸番民不安請改歸流十月又言陝甘

二屬丁銀偏累向題准攤入地畝征收但甘  
屬河東糧輕而丁多河西糧多而丁少若將  
河東丁銀攤入河西是兩田糧輕者益輕重  
者益重請將二屬各自均派河東則丁隨糧  
辦河西則糧照丁攤較為便民十一月請陞  
四川夔州府屬之達州爲直隸州轄東鄉太  
平二縣又請陞陝西鞏昌府屬之秦階二縣  
爲直隸州以清水泰安兩當禮縣及新改之  
徽縣隸秦州文武二縣隸階州七年三月請

陞肅州爲直隸州轄高臺縣又請于陝西子  
午谷隘口增防守官兵四川裏塘巴塘等處  
設宣撫司安撫司長官司副土官千戶百戶  
等官照流官例題補俱議行尋奏遣兵平西  
川不法之雷波土司揚明義尋得

旨嘉獎下部議叙有逆犯曾靜者湖南靖州  
生員因考劣等憤鬱謀叛潛遣其徒張熙詭  
名投書于鍾琪勸以同謀舉事鍾琪拘熙託  
主使者堅不吐乃誘置密室中許迎聘其師

伴與設誓得靜逆狀具以

聞

上獎鍾琪忠赤

命侍郎杭奕祿等至湖南會鞠得靜與呂留良之徒嚴鴻達往來妄生異心並得留良日記悖逆狀王大臣等合詞請坐靜熙大逆律詔寬宥其罪

命杭奕祿帶靜由江寧蘇州至杭州遣人送至湖南巡撫衙門聽其他往至十三年九月

今上御極以靜罪不減留良與熙均解京伏誅先是準噶爾台吉噶爾丹策凌匪青海叛賊羅卜藏丹津且謀擾我藩部喀爾喀至是上命鍾琪爲西路寧遠大將軍率師與北路靖邊大將軍傅爾丹討之加少保鍾琪疏言噶爾丹策凌三世弟庭百夷被虐天怒人怨眾叛親離我

聖祖至德洪慈再三寬宥

皇上深仁厚澤屢欲矜全終不悛悔若不大

漢名臣傳

卷二十一

七

彰

天討則冠履之分不明番夷之禍不息臣仰承

廟謨至周極脩約舉

王師之十勝決逆酋之必敗一日

主德二曰天時三曰地利四曰人和五曰糗

糧之廣脩六曰將士之精良七月車騎營陣

之盡善八曰火器兵械之銳利九曰連環迭

戰攻守咸宜十曰士馬遠征節制整暇臣得

奔走行間竚見長驅直入指日獻俘奏凱

報聞八年五月噶爾丹策凌表獻羅卜藏丹

津既而不至

諭鍾琪來京籌辦軍務十月奏改陝西榆林

所為府設知府及照磨并設榆林靖邊定邊

懷遠四縣隸之各設知縣典史悉汰舊同知

巡檢等官從之是月準噶爾乘我西路不脩

犯科舍圖汎盜駝馬搃兵樊廷等擊敗之奪

所盜還

命鍾琪還軍營九年二月奏軍机事旨十六  
條

諭曰岳鍾琪所奏朕詳細披覽竟無一可採  
岳鍾琪以輕言長驅直入之說又爲賊夷盜  
尅駝馬旣恥且憤必欲襲擊進勦勉強踐復  
前說甚未妥協着將朕旨傳諭之六月  
上又以鍾琪前遣兵赴吐魯番運糧米並未  
具奏致準噶爾刼糧屢擾吐魯番鍾琪乃請  
往援奉

旨訓飭七月準噶爾傾眾犯北路傅爾丹禦  
之于和通呼尔哈諾尔失利鍾琪請督兵襲  
擊烏魯木齊分賊勢

上報可鍾琪尋由巴里坤越木壘渡阿察直  
抵額爾穆克河分三路擊賊奪取據山梁斬  
殺甚眾烏魯木齊附近賊悉遠徙遵

旨振旅還營

諭曰岳鍾琪此次領兵襲擊賊眾進退遲速  
俱合机宜甚屬可嘉著交部議叙十年正月

奏言臣去年擊賊至木壘見其地勢險要且可屯種請卽彼築城駐兵二萬截賊來路得旨定議舉行二月賊眾三千逼哈密鍾琪遣總兵曹勦等擊敗之于二堡又遣將軍石雲倬等赴南山口梯泉等處截其歸路而雲倬兵遲發一月賊遂由塔呼納呼路竄鍾琪劾之

諭曰此次賊夷狂肆昏亂深入重地自投羅網乃坐失機會不但不能屠勦且使賊人由坦途而遁其領兵之石雲倬已降旨治罪至岳鍾琪素諳軍旅緣懷游移之見致乖戰守之宜前車之鑒非止一端嗣後當深悟前非痛自省惕以觀後效尋大學士鄂爾泰劾鍾琪身爲大將軍專制邊疆賊夷以五六千人由烏克克嶺入卡倫犯哈密鍾琪茫然不知致賊刦牲畜復從塔呼納呼緩騎遁歸智不能料敵于平時勇不能殲敵于臨事玩忽縱賊應議處得



旨削公爵及少保降世爵爲三等侯仍留總  
督銜護大將軍印戴罪立功七月大軍由巴  
里坤移駐木壘

上因鍾琪辦理軍務未協

召還京以副將軍張廣泗護大將軍印廣泗  
尋劾鍾琪調度乖方各款且言準噶爾賊專  
資馬力我兵制敵必須馬步兼用而岳鍾琪  
立意用車自巴里坤至木壘沿途滿壘崎嶇  
紆繞沙磧用車甚不相宜且木壘四面受敵

收服運道在在可虞必不可駐大兵

詔速撤軍回巴里坤十月

諭曰岳鍾琪受朕深恩重加任用西陲討賊  
之舉伊亦身任不辭是以用爲西路大將軍  
乃伊秉性粗疎辦事怠忽且賞罰不公號令  
不一不恤士卒不納善言傲慢不恭剛愎自  
用以致防禦追擊屢失機宜士氣不振而陳  
奏者又皆虛假詐僞爲怙過飾非之計誤國  
負恩罪難悉效著革職交兵部拘禁候議十

二年大學士等覆訊擬斬決得旨改斬監候乾隆二年

上諭曰岳鍾琪貽誤軍机罪無可宥

皇考念其曾經効力是以未將伊正法朕體聖心不忍令久繫囹圄著釋放令其自愧十三年三月大軍勦金川逆酋莎羅莽

諭曰岳鍾琪久官西蜀素爲川省所服且夙嫻軍旅熟諳番情伊雖獲罪西陲亦緣準噶爾夷情非所深悉若任以金川之事自屬入

地相宜伊三世受國厚恩自必竭力報稱以蓋前愆着調至軍營以總兵銜委用未幾授四川提督五月鍾琪由党坝一路進勦

賞戴孔雀翎閏七月

上以經畧訥親總督張廣泗督勦久無功而鍾琪與原任將軍傅爾丹均老成宿將起于廢弁之中親在行間未聞發一謀出一策傅自詢問八月鍾琪疏劾廣泗言党坝一路爲逆酋門戶礪卡嚴密漢土官兵名爲一萬除

守營放卡及分防糧站寔止七千餘而土兵多無用漢兵不敷分布臣咨商張廣泗增兵三千廣泗以業經分派十路無兵可撥不肯給又廣泗專主由昔嶺卡撤進攻之策此二處中隔噶拉依距賊巢尚百餘里党垣至勒烏圍僅五六十里若先破康八達即可擣巢濟事較速商之廣泗則云不便更易而廣泗反信用新降土舍良尔吉及漢奸王秋等恐生他變會訊親亦許廣泗糜餉老師各款

詔治廣泗罪尋

命大學士傅恒代詢親爲經畧九月鍾琪疏請卡撒昔嶺進剿別選精兵三萬五千以一萬由党垣及沪河水陸並進以一萬由甲索攻奪馬牙岡乃當兩溝與党垣兵合直攻勒烏圍仍于卡撒留兵八千堵禦俟克勒烏圍後前後夾攻噶拉依再于党垣留兵三千護糧正地留兵一千防沪餘四千隨機接應一年之內莎羅莽暨其姪郎卡必就擒臣年雖

老請肩斯任

詔以所奏交傳恒酌行是月鍾琪由党垠攻  
康入達山梁大敗賊眾十二月復連敗之于  
塔高山梁

諭獎之鍾琪初爲川陝總督時勘金川爭界  
事甚公且奏給莎羅莽印信號紙莎羅莽甚  
德之十四年正月經畧傳恒抵軍營卽召良  
尔吉至帳下誅之下令尅期進勦莎羅莽懼  
遺心腹人至鍾琪軍乞降鍾琪請于傳恒輕

騎入勒烏圍賊巢諭順逆大義以解莽及卽  
卡隨赴卡撒大營泥首歸命傳恒以

聞

詔班師

諭曰提督岳鍾琪能承經畧大學士忠勇公  
傳恒指示開誠布信直造賊巢用使番酋弭  
耳惕息厥爾恐後成勞懋著功在諸將右著  
加太子少保仍交部議叙二月鍾琪疏言莎  
羅莽卽卡悔罪輸誠蒙

漢名臣傳

卷二十八

九

皇上天恩網開三面貸以不死自茲畏威懷  
德必能安靜但防範不可不預查近金川之  
土司除襟谷地廣人眾綽斯甲布本屬姻親  
其草什咱巴底巴旺小金川沃日等處勢孤  
力單從前金川常懷兼并之心恐日久別生  
事端請于卡撒兵糧只撤後暫駐小金川諭  
各土司聯絡和好以杜窺伺  
上具其言三月

諭曰金川平定邊徼安寧大學士忠勇公傅

恒凱旋奏番酋歸順全仗天威至歷練戎行  
信孚蠻部深入賊巢胆勇雄決則岳鍾琪洵  
爲克副委用此固出于傳恒之推能讓美然  
岳鍾琪之奮往在事寔屬可嘉前已降旨晉  
階太子少保交部優叙伊前于青海奏捷曾  
封公爵茲復樹績蠻方收桑榆之効着再加  
特恩授兵部尚書銜於本身封爲三等公以  
昭錄功懋賞之典俾宣力疆場者知所勸焉  
十月

陞見

命紫禁城內騎馬免西征應貽銀七十餘萬  
兩子泐澆俱授藍翎侍衛

賜公號曰威信

御製七言詩賜之曰劍佩歸來矍鑠翁番巢  
單騎志何雄功成淮蔡無慙李翼奮洩池不  
獨馮早建奇勲能鼓舞重頒上爵特褒忠西  
南保障資猷略前席敷陳每日中

命還四川提督任十五年西藏珠爾默特那

木扎勒作亂提督策楞赴藏鍾琪駐打箭爐  
就近彈壓藏地旋定十七年雜谷土司蒼旺  
構逆鍾琪同策楞以兵奪維關直抵賊巢擒  
蒼旺誅之分其地歸松岡土司轄下部議叙  
加三級十九年重慶奸民陳琨等滋事鍾琪  
力疾親往督緝還卒于資州

賜祭葬如例諡襄勤二十年

諭曰原任四川提督兵鍾琪于

皇考時宣力西徇勞績頗著卽如逆犯曾靜

遺張熙投遞逆書一事岳鍾琪與之設誓誘  
令供出寔在姓名卽行叅奏居心甚爲誠寔  
其在西路軍營時驕縱狂妄于辦理軍務亦  
多錯謬然核其功罪自不相掩至金川之役  
用爲提督雖彼時番酋有效順之意而岳鍾  
琪能直入番巢住宿彌寨曉以順逆示以不  
疑亦其忠信素著所致是以加恩特于本身  
授爲威信公爵今伊已身故雖公爵不應世  
襲而其子孫竟無一世職朕甚憫焉岳鍾琪

賞給一等輕車都尉令其子孫世襲罔替以  
示朕追念舊勲之至意尋以鍾琪少子瀚襲  
四十四年

御製懷舊詩列入五功臣中

詩曰

三朝師武臣鍾琪爲巨擘車騎伐準夷寔其  
美之失設誓誘張熙忠誠天鑒赤家居十餘  
年命董金川役單騎入賊砦大義示順逆勇  
而且有謀羣番誓辟易受降遂凱旋寔亦資

宜力所見綠營多鮮克踵其迹卓有古將風  
書勳太常冊子五人濬泃滂淳滯長子濬初  
由廕生授西安同知以父任川陝總督迴避  
以科道用尋授口北道雍正五年擢山東布  
政使六年調山西未幾  
命署山東巡撫七年四月鍾琪勦準噶爾  
詔濬送至肅州再回原任七月疏請增設兗  
州督捕同知從之八年鍾琪  
陞見

命濬來京就省尋疏請將兗州莒州沂州二  
十一州縣一衛一所設分巡道管轄十二年  
疏言德州衛河回溜頂衝處每雨水驟發直  
潰東堤請于城北哨馬營濬新河建滾水堤  
一兩岸各築遙堤酌開涵洞宣洩部議加所  
請乾隆元年六月疏言堯陵寔在濮州城東  
南六十里古雷澤之東穀林莊明代設建于  
東平應改建以爲祭告行禮之所仍于陵前  
設堯母靈臺祠配以堯妃中山夫人其東平



漢名目傳卷二十一  
陵仍令有司時祭從之八月

命勘鄉城蘭山等處水冲地千三百六十頃  
有奇應征地丁麥米得

旨全行豁免又請于登州成山汎養魚池增  
設水師守備十月又請以兗州舊設沂沿海

贛同知改隸沂州府沂州舊設鹽捕通判移  
駐蘭山縣之向城向城巡檢移駐蘭山之青

駝寺下部議行十二月調江西巡撫二年請  
給南昌府屬浮糧三萬七千餘兩

允之三年奏言豐城濱大江當吉南贛袁臨  
五水之衝惟藉一堤捍禦向派民修築官爲

經理並無保固之例隨修隨傾難資捍禦請  
動項興修又江關爲商旅通津商船夏秋上

稅俱泊于龍開河冬春泊大江北岸難免風  
濤請深濬河開河口以爲停泊之所得

旨如所請五年七月御史朱續暉奏請行社  
倉法

救各省督撫酌議濬疏陳十條一每年冬季

保正造烟戶清冊送地方官驗給門牌懸掛  
賑借核籌易清經管之正副社長毋庸更設  
隊長鄉官各目支收報明州縣計口給發一  
逐年支收社長任其事州縣官稽查毋干預  
出納一取具領狀保結責成社長認識借給  
毋庸設立隊長大保名色一借米出入照部  
頒斗斛一江省年每借四省六卽朱子存一  
開二遺意或歉歲全借散賑隨時酌辦一江  
自現儲社穀十五萬餘石不必動借常平官

米其社穀每石收息一斗歉歲免息許次年  
交倉一收穀不論里都隨到隨收一捐貯社  
穀年終取具動存各數清冊送部查核一烟  
戶門牌俱將戶口生理產業逐一註明一社  
長缺出令地方鄉約公舉報官充補一設立  
社簿二一存社長一繳縣鎖鑰歸正副社長  
分管

詔如所議行十一月署兩江總督楊超曾劾  
濬與知府董文焯劉永錫朋比作奸徇情納

賄

命侍郎阿里袞同江南河道總督高斌往鞫得寔得

旨革濬職從寬免罪餘論如律六年授光祿寺卿入年六月補福建按察司七月丁母憂服闋補廣東按察司十一年九月遷湖南布政使十二月調山東十二年擢廣東巡撫十三年疏言提塘發鈔命益重案部咨未行既報先至不足以昭慎重請嗣後緊要科鈔俟

交部十日後發鈔發報下部議行十五年正月調雲南巡撫七月兩廣總督陳大受疏叅廣東糧道明福婪贓前任巡撫岳濬並未糾叅且列入計典卓荐又購辦楠木修築海陽堤工二案一任屬員弊混

諭曰岳濬受朕深恩屢由廢員擢用伊父現蒙格外殊恩岳濬理宜感激圖報乃一味優柔姑息以取悅屬員且于明福之婪取多贓曲意贍徇吉木堤工二案並不留心查辦深

負朕恩著來京候旨十八年四月授鴻臚寺少卿五月轉通政使叅議十月卒十九年鍾琪奏言臣子濬巡撫任內未完庫項八千八百餘兩交抵外請將臣公俸按年扣還諭曰此項未完銀兩原係岳濬名下應追之欸若使岳濬尙在自應按數追完今伊子物故岳鍾琪尙屬舊人從前曾經出力著將岳濬未完銀四千九百餘兩加恩免其追繳次子泂三子澆均官藍翎侍衛四子淳官戶部

主事五子濬襲一等輕車都尉

岳鍾璜列傳

岳鍾璜四川成都人父超龍由行伍授把總累遷陝西西寧鎮遊擊雍正元年署河州副將二年河州口外鐵布等寨番肆劫超龍勦撫有功寔授河州副將四年以兄子鍾琪任川陝總督迴避調張家口副將六年遷天津鎮總兵尋擢湖廣提督十年卒鍾璜于雍正七年以鍾琪奏赴西路軍營効力八年授藍

翎侍衛

命在乾清門行走十三年十二月授鑾儀衛  
治儀正仍兼侍衛

賜戴孔雀翎乾隆元年擢四川威茂營叅將  
尋調成都城守營五年遷永寧協副將八年  
擢福建建寧鎮總兵九年丁母憂服闋補江  
西南贛鎮總兵十三年調雲南開化鎮十四  
年調昭遠鎮十六年擢廣西提督十九年三  
月調四川提督八月疏言松潘鎮臣出口化

番三年一次番性多猜各部落不相往來今  
因化導調集先期守候彼此互防甚非所願  
且見小貪利道遠者賞賚不敷所費往往託  
病不來惟附近土司貪領犒賞誠屬有名無  
寔又從往弁兵口糧自備未免苦累請停止  
以節勞費

上聽其言如所請二十年請裁普安營兵百  
五十千摠一並裁安阜營兵五十移把摠于  
阜和營得

旨允行時打箭爐外扎撒麻書兩土司因爭  
喇嘛搆毀金川及綽斯甲布坦麻書韋布什  
咱及德爾格忒祖孔撒互讐殺鍾璜同總督  
黃廷桂奏委都司宋元俊等往諭

恩威令各罷兵歸巢二十三年四月同總督  
開泰奏報金川土舍郎卡與韋布什咱土司  
色楞敦多卜聯姻失睦潛誘韋布什咱屬附  
已而突以兵逐色楞敦多卜於吉地官寨圍  
之並及其妻弟小金川土司之子僧格桑小

金川兵至僧格桑潰圍出色楞敦多卜亦奔  
泰寧求援現飭韋布什咱同盟各土司聯色  
楞敦多卜一面調雜谷土練五百同梭磨等  
土兵駐丹垠又土練五百同明正木坪等土  
兵駐章谷泰寧並調黎雅峩邊各協營兵二  
百赴打箭爐彈壓一面嚴諭郎卡罷兵  
諭曰向來番苗自相攻擊原可不繩以內地  
官法此次金川與韋布什咱興兵構怨不過  
因結親起釁情形本與蠻觸無殊惟所奏分

撥土練彈壓打箭爐等處一節未甚明晰該地係遁藏之路如止穴中自相劫掠于打箭爐有何干涉但開泰岳鍾璜素非好事之人其陳奏慮其偏于息事斷不致過于張皇果使該酋之意不專在韋布什咱將爲邊隅滋擾伊等別有訪聞踪跡必須徹底辦理捷寔速奏候朕另行降旨五月奏郎卡揚言欲攻巴旺小金川及明正又屢稟地方官以伊女先嫁韋布什咱則韋布什咱之地應歸伊

女掌管意圖佔據查韋布什咱界連明正土司若爲金川久據不惟巴旺小金川勢頗危迫卽明正亦須防範番性頑劣旣非言語所能速化而伊等互閉又未便據用內地兵力惟有駕馭各土司令以番攻番現經明正綽斯甲布巴旺等土司擊敗郎卡奪還韋布什咱地

報聞二十四年四月奏郎卡屢爲綽斯甲布小金川丹垣等土司擊敗遣人投稟乞和

諭曰番情狡黠萬不可以憑信轉致事端惟  
在該督提等察訪寔情相機辦理一切行所  
無事以靜鎮處之聞六月奏言梭磨卓克采  
從噶克三土司爲雅州一帶藩籬丹垣地在  
西南又爲三土司門戶由丹垣再向西南數  
十里係綽斯甲布金川交界該土舍策旺會  
攻金川甚出力請給土司印信號紙部議如  
所請二十五年六月疏請於定遠合州巴縣  
等處請設哨船令塘汛弁兵往來巡查奸匪

從之二十六年四月奏言金川番民本有限  
人戶各土司四面圍攻男丁輪防礮卡婦女  
背運口糧迄無休息上年土司莎羅莽又死  
郎卡乃其姪孫土舍自知孤弱稟懇息事臣  
等思金川與草布什咱構釁本不過穴中互  
聞惟因郎卡狡黠恐其得寸思尺是以不可  
不加懲創今各土司圍堵兩載餘郎卡既不  
獲逞吞併之謀而且數屢稟求剖斷若仍令  
各土司駐兵攻守旣不能尅日奏功轉恐日



久生懈現派委員前赴綽斯甲布丹垣金川  
一帶諭責郎卡罪惡將所佔丹垣界內礮卡  
拆毀各土兵及土練以次撤還  
報聞二十七年二月郎卡請襲土司鍾璜等  
以綽斯甲布及小金川與郎卡久絕請無庸  
照例取鄰近甘結

諭曰此奏意在直捷簡便所見亦是然不爲  
郎卡明白宣諭恐彼不知懷畏轉疑有意遷  
就一似徇其所請竟不待各處甘結者然或

至潛生驕縱殊非控馭之道著卽曉諭郎卡  
謂隣近土司與爾素有嫌隙若因承襲之事  
照例取結伊等並不樂從今據爾懇求竟免  
其輾轉取結以示嘉惠之意但襲職之後如  
或妄思滋事在鄰近諸部斷不能相安而封  
疆大臣亦斷不肯爲此稍貸方足令其儆惕  
於辭制亦爲允協十一月同開泰奏報郎卡  
突圍丹垣官寨現飭守備溫欽等馳往詰責  
查明滋釁緣由酌量剖斷倘支吾觀望意圖

吞併則增調士兵及土練辦理

諭曰此奏未免先事預設調停之見于辦理  
機宜未能領會該督等前于乾隆二十三年  
奏金川與韋布什咱有結親構釁之事明正  
綽斯甲布兩路進攻屢經傳諭不必懲以官  
法惟有以番攻番之策或令綽斯甲布小金  
川分據其地而彼時開泰岳鍾璜不能醉悉  
朕旨未免意存姑息但取解紛了事以致養  
成驕縱此時郎卡初襲土司即已垂涎丹堪

其明驗也殊不知此等狼子野心即使目前  
詰責認罪又安能保其永遠受約安靜乎土  
司內如韋布什咱丹堪等類其力之強弱雖  
殊然皆可借此以爲郎卡之敵如果其挾讐  
攻急竟將郎卡勦滅豈非策之最深者着傳  
諭開泰等斷不可有先事部署官兵協力俟  
助之計致涉張皇所有鄰近土兵旣集或卽  
協力勦除分有其地正可聽其各自爲計番  
境轉可相安倘各土司不能併力勦除而郎

日  
出  
時  
分  
刻  
同  
書  
局  
印

卡  
小  
怙  
惡  
不  
悛  
有  
必  
須  
另  
行  
辦  
理  
者  
則  
亦  
非  
該  
督  
提  
等  
以  
川  
省  
綠  
營  
官  
兵  
所  
能  
任  
其  
事  
開  
泰  
等  
臨  
時  
據  
寔  
奏  
聞  
候  
朕  
酌  
辦  
此  
時  
只  
須  
靜  
以  
聽  
之  
不  
可  
調  
派  
紛  
紜  
徒  
擾  
番  
人  
觀  
聽  
也  
二  
十  
八  
年  
七  
月  
奏  
督  
勵  
緯  
斯  
甲  
布  
勒  
布  
什  
咱  
小  
垣  
梭  
磨  
卓  
克  
來  
從  
噶  
克  
鄂  
克  
什  
九  
土  
司  
會  
攻  
金  
川  
狀  
諭  
控  
制  
大  
體  
當  
光  
明  
正  
大  
經  
理  
得  
宜  
毋  
事  
調  
停  
遷  
就  
三  
十  
年  
二  
月  
同  
總  
督  
阿  
爾  
泰  
奏  
鄂  
克  
什  
九  
土  
司  
會  
攻

阿爾泰奏鄂克什九土司會攻

